

## براہوئی المانادرو، اینونا خواست

**Astract:** This research paper is about the history of Brahui scripts specially the alphabets and symbols of Brahui phonemes. The distribution has been made on three phases which are yesterday, means the past of Brahui phonetics symbol which is also known the "Tawar". The second phase which will be discused is today which means the present of Brahui phoneme and the last which is known as tomorrow discusses the future of Brahui script. The main objective of this research paper is to disclose the phenomenon why the Brahui script has problem while writing although the all required phonemes maxims correctly while speaking. It also discusses that a lot has been written on the topic but actual facts were not identified. The main problem where this symbolic phenomena increases writing obstacles is the borrowing sounds of Arabic which are nine. The religious perspective on Brahui language has promoted these alphabetical issues. This research paper concludes with recommendations that a new script is required for Brahui, where all phonemes have their separate alphabets and symbols. The differences between speaking Brahui and writing should be finished. The academics must work to recognize Brahui language as a medium of instruction, and the language of media where requirements of new era will be discussed which opens window for terminology, dictionaries. In order to obtain these results, the local literary circles and origination should be strengthened.

انسانی رسندی ناکہپی رد بند اوڈر آکو ہر افسیٹی تران کل آن پوروار دروشم اے۔ سرہال آبنگ  
آن مست داڑے رسندی ہر ابراہوئی ٹی اسہ پوسکنو دروشینگ اسے دادے داوڑ تالان کینہ کہ زبان‘  
بولی‘ ہیئت یا تواری‘ با آن پیش منگ آن پد ایلو ناخف اسکان سر مریرہ او سر منگ آن پد رسندی نابنا  
مریک۔ رسندی داڑے ہموکار ایم ناپن اے کہ پاروکانا تواری خف آسر منگ آن گڈاگہ اونا مسخت‘ سرپند  
منگ دن چاس کہ رسندی مسونے۔ یادادے داوڑ ہم سرپند منگ کینہ کہ اگہ کس جاپانی ٹی ہیئت کننگے کس  
بیرہ بنگے توپہ منگ اف او کس بنگ تون اوڑدہ سرپند ہم منگے۔ ہمو تواری بنگ تون سرپند منگ تو رسندی  
مس:

"تران یا ہیئت کنگ انسانی رسندی ٹی کل آن پوروار دروشم اے داکان بیدس نشہ‘  
وڈ ہیئت (علامت) یا نچ او چخ آتا ملک اٹ ہم تینا مسخت آتا رسندی مسونے۔ ہیئت یا  
تران رسندی نابنو کاوڑے ہندن نوشتہ‘ چخ یا نچ خنو کاوڑے۔ گیان چند (۲۰۰۳) زبان  
نامانہ او مسخت اے داوڑ درشان کرینے ”زبان تصورات و جذبات کی ترسیل کی ایک  
صوتی کوڈ ہے“<sup>(۱)</sup>

دا ہیئت ہم پک اے کہ زبان تینا جو نے یا ہائی اے ساڑی تخنگ کن نوشت نا آہری او بیوس  
متنے بلکہ زبان ناپانگ نادروشم زبان نا نوشتہ نادروشم باز زیاتے۔ براہوئی ہم اینو نوشت آن زیات پانگ نا  
اسہ پوروزبان اسے۔ داڑے پوکار نا مسخت داوڑے کہ اینو براہوئی ٹی ہیئت او گپ کنگ ٹی داخس و نیل  
او گھڑتی اف اخس کہ دانا نوشتی دروشم ٹی ساڑی اے۔ براہوئی نا نوشتی دروشم یا املانا و نیل آتا کلان  
بھلا سبب دادے کہ دانا تینا چند نا لکوڑ متنے۔ ایلو دا کہ براہوئی نا الم او سرجم تواریٹی پرخ او چاہنداری نہ  
منگ نابلا سبب ہم ہند اے کہ اینو اگہ براہوئی نا تواری آتے جتان نوشتہ کننگے تواریٹی چار الم تواری آتا دروشم  
نوشتہ مفک۔<sup>(۲)</sup>

ولد اہم مسکوئی گیر دو نیم سد سال آن براہوئی زبان نوشتی دروشم اٹ بنگ کہ عربی (زیرو  
زبر والا)‘ رومن (انگریزی)‘ عربی (اردو یا نستعلیق والا)‘ او برو لکوا (۲۰۰۸) (پوسکنا براہوئی رومن

لکوٹ) ناگڈرینسہ تینا پاروکا تا مسخت آتا کو الخوائی اے کرینے۔ داہم مننگ کیک کہ آخت اٹ براہوئی تینا خواست آتا پور واری کن تینا جندی او لکوٹ اس موناہتے۔

براہوئی ناپاننگ او نوشتہ ناداکسرتی ناخواند غاک براہوئی ناڈی اے ودیفینو ہندن خواند غاک براہوئی نادر وشم اے بدل کرسہ اوٹی ایلو زبان نالوز آتے او ارکننگ ناسب مسونو۔

مسکوئی کاریم تاجاچ داسرہال آبراہوئی ٹی بیسوی سدی آن کاریم نابنا درک ملک۔ گڑاس مست تو گڑاس بیست یکیکو سدی ٹی داسرہال آک کاریم مسونے۔ اخس کہ کاریمک مونا بسونو او تینٹی براہوئی کن ایلو زبان تا تو رتا در وشم آتے دیہنڑو یا وام ہلنگانے۔ اشیر عبد القادر شاہوانی (۱۹۹۴) تینا اسہ نوشت اسے ٹی براہوئی تو رتے در شان کروکار د ”براہوئی قاعدہ“ یا براہوئی ہیل مننگ نابابت نوشتوک آ کتاب اک ہرافک نوزد میکو سدی ناگڈ سر آن بیستیکو سدی اسکان نوشتہ مروکا جہی او جہانی نوشتکار آتا زکرے کیک اشیر نازداٹ، بلوچستان آکوزہ کنگ آن گڈ انگریز آک ۱۸۴۰ ٹی تینا کما داری خواست آتا پور واری کن بلوچستان نازبانک براہوئی، بلوچی او ایلو تے ہیل کریر ہندارد اٹ مولوی اللہ بخش زہری (۱۸۷۷) پیٹڈ بک آف دی براہوئی لیکنوچ، براہوئی سپاہی تاملک اٹ کیپٹن نکلسن (۱۸۷۷) براہوئی ریڈر، پادری ٹی جے ایل میسر (۱۹۰۷، ۱۸۸۵) ناکتاب، براہوئی گرانمر او ڈکشنری، او ”اے براہوئی ریڈنگ بک“، مولوی ابوتراب (۱۸۹۳) نا ”نقد ذہانت“ داکان بیدس بگ و تھرا ایف (۱۹۰۲) ’اے گائیڈ ٹو دی سٹڈی آف براہوئی، دیوان جمیعت رائے (۱۹۰۷) ناکتاب، نوٹس آن دی سٹڈی آف براہوئی لیکنوچ، مکتبہ درخانی نا عالم مولانا عمر دینپوری (۱۹۳۳) نا ”قاعدہ براہوئی“ درخانی مدرسہ نا ایلو عالم مولوی عبد الغفور درخانی (۱۹۵۸) نا ”قاعدہ براہوئی، نور محمد پروانہ (۱۹۶۱) نا ’براہوئی قاعدہ‘ غلام محمد شاہوانی ایماندار نا کہنگ آن پد براہوئی اکیڈمی (۱۹۶۷) او ناکتاب، بولی جا“ اے شینک کیک۔ ہندا سال آغا نصیر خان احمد زئی (۱۹۶۷) نا ’بلوچی، براہوئی گرانمر“ پیر محمد زیرانی (۱۹۷۱) ”براہوئی اردو آسان گرانمر“ پاکستانی فوجی تے براہوئی ہیل مننگ کن عبد الصمد شاہین (۱۹۷۸) نا ”ہیل بلد“ نا پن اٹ کتاب شینک مسور۔<sup>(۳)</sup>

بڑز کو کتاب آگ بیرہ براہوئی زبان آن بلد منگ کن مسونو دافتنیٹی زبان چاہنداری نابابت  
اٹ براہوئی توار تاخیالدار یی املانا نابابت اٹ لسانی خواست آتا پور واری خنگ اک۔ اتیکہ دامودورے  
کہ اسہ کنڈان عربی مذہبی زبان نابابت اٹ جہی آ زبان تے ہر پڑ آگواچی کیک عربی توار او توار تادروشم  
ہند گیر آن براہوئی زبان تون تہد مریرہ داینو اسکان براہوئی ناملا او لکوڑاے بے شون کنگ ناسب  
مسونو۔ ہندن بڑز کو کتاب آتینی گیشتری براہوئی توار او دافتا دروشم آک نوشتہ افس ہر ادا گڑاے  
در شان کیک کہ نوشتوک آک تینٹ داسرہال اے سرپند منتو۔ بیرہ براہوئی نالوز پڑ او ہڑدے غرڑی  
برو کا گڑا تا پن تے اردو، انگریزی او بلوچی ٹی بدل کریو براہوئی تون اوار اورا۔

براہوئی ادبی سوسائٹی یکم اپریل ۱۹۸۸ ٹی کوئٹہ پریس کلب ٹی کل پاکستان براہوئی ادبی  
مذاکرہ (کانفرنس) نابنائی، براہوئی لکھوڑ کمیٹی ناپن اٹ براہوئی توار او املانا آب کن کمیٹی اس جوڑ  
کننگا<sup>(۴)</sup> نور محمد پروانہ نابراہوئی قاعدہ نور محمد پروانہ پندرہاڑی (۱۹۶۱) براہوئی توار آتے اردو توار آتا  
بابت اٹ اردو، عربی او ایلو زبان تیان جتا کرسہ بیست ہفت ۲ نوشتہ کرینے ہر افتنیٹی بیرہ اسہ الم او  
بیست شش سرجم توارو۔ پروانہ نابراہوئی توارک داوڑو۔ اب پت ٹ ج ج ح خ دڈر ز ژ ش ش غ  
ف ک گ ل (ایلو لام) ل م ن وی<sup>(۵)</sup> پروانہ نابڑز کورڈی عربی توار ”ح“ ہم اوارے ولے ہندانا مٹ  
براہوئی توار ”ہ“ اف۔ داکان بیدس او عربی ناچار وڑ نا توار ہراقک جاگہ اس ہشت او جاگہ اس دہ منگو  
دافنے مسلمان منگ نابستار اٹ قرآن خوانگ ناخاتراوار کیک۔

ب۔ ا۔ ض ط ذ

۲۔ ع

۳۔ ث ص

۴۔ ق<sup>(۶)</sup>

ج۔ داڑے پروانہ اسہ وار ولد اعرابی ناتوار ”ط“ اے گیرام کیک۔ ہندن ہر اتم اور براہوئی توار تے نوشتہ کیک تو او فتاشیف آن عربی کن دہ توار نوشتہ کیک۔ فرافٹیٹی ”ح“ ہم اوارے۔ اوکان مست ”ح“ اے براہوئی توار اس سرپند مریک۔ اودا توار ’ح‘ مونی براہوئی توار نابابت اٹ ہر جاگہ ملک۔  
د۔ پروانہ، براہوئی الم توار آتے جتا کنگ او نوشتہ نامتا خلکنے ولے اوہو تم است ایکیم مریک ہر اتم اودے اردوئی الم توار آتیکن ہچو درو شم اس دو بلفک۔

مچول، معروف، پروانہ، ہراڑے عربی توار آتے جتا تو کیک ولے گرانمر اے عربی ناوڑ پھر مریک ہنداسب اے کہ اور براہوئی ناچار الم توار اے مچول او معروف نا پین اٹ سرپند مریک۔ پروانہ براہوئی الم توار (او۔ سور۔ اور) اے وا مچول پارینے۔ اوپانک کہ اردوئی داڑکن درو شم الو تو براہوئی ٹی جوڑ کتون تہ کہ ٹانینگ ٹی ڈکیائی مریک۔ مستی اور براہوئی نا یلو الم آتوار (او۔ کوس۔ پوز) اے وامعروف پانک براہوئی الم توار (اے۔ ایلودے) اے، ’ے‘ مچول اور براہوئی الم توار (ای۔ ایڑ، ایلیم) اے، ’ی‘ معروف، پانک۔ اودادے ہندادرو شم، ’ی‘ نا نوشتہ کیک۔ نور محمد پروانہ نا قاعدہ نابیرہ دا توار آتا بشخ کنگ آمنہ ہیئت مس کہ اخس توار پارینے۔ اونا قاعدہ نارد، وڑوڈول لوز، توار، فوٹو تیاچ ہیئت کنگ المی سرپند مفرہ۔ براہوئی لکھوڑ کمیٹی براہوئی لکھوڑ کمیٹی نابراہوئی زبان، توار تازی اڈتروکا جتا دیوان تا ہوال آتے ڈاکٹر رزاق صابر (۱۹۹۸) براہوئی لکھوڑ ٹاپنٹ کتاب ٹی سوگو کرینے۔ ہراٹی براہوئی سرجم توار آتے بیست او شش (۲۶) نوشتہ کیک۔

۱۔ بندشی توار۔ (ب پ ت ٹ د ڈک گ)

۲۔ صغیری توار۔ (ج چ)

۳۔ پھنادی توار۔ (ل، ایلو لام)

۴۔ لڑو کا توار۔ (رڑ)

۵۔ غیر مصم صغیری توار۔ (ف س زھ ش خ ژ)

ڈاکٹر رزاق صابر عربی نادانہ توار (ش ح ذ ص ض ط ظ ع ق) نابابت لسانی دلیل ترسہ دافتے  
 یلہ کیک کہ دافک براہوئی نائینا ہچو لوز اسے ٹی بفسہ دافتے براہوئی توار آتون نوشتہ کنگک جو ان اف۔<sup>(۸)</sup>  
 ڈاکٹر صابر براہوئی توار آتین بیدس پانزدہ ہائیہ توار ہم دارد ٹی اور کیک۔ ایلو صابر ہم پروانہ آن بار  
 براہوئی نا توار ایلوئی (س۔ گرانز) اے نوشتہ کنگک۔ ڈاکٹر صابر اولیکو براہوئی نا لم توار آتے جتا نوشتہ  
 کر سہ ہشت الم توار آتے در شان کیک۔ او براہوئی کن ارا (۲) ٹد الم (diphthong) نوشتہ کرینو۔  
 ابہن توبراہوئی نامسہ ٹد الم توار۔ براہوئی قاعدہ (اولیکو کتاب کچی کن) براہوئی توار او وقتا دروشم آ  
 نوشتہ مرمو کا گڈو کو کتاب ”براہوئی قاعدہ“ اولیکو کتاب کچی کن (۲۰۱۷) ٹی لئی زبان تیٹی خوانگ سرکار  
 پروگرام نابابت اٹمونابریک۔ ہرا ٹیکنیکل ردی اولسانی علاقائی کست آن شیوک ارے۔ ولے داڑے ننا  
 مسخت اوگپ آتا در شانی اف بلکہ براہوئی توار اولمانا در شانی اے۔ ہرا ٹکن دا کتاب ٹی براہوئی نامیست  
 نو (۲۹) توار نوشتہ او ہرا فنیٹی پنچ الم او بیست چار سرجم توارو<sup>(۹)</sup>۔ ہندن دا کتاب ٹی ہم پروانہ نا قاعدہ  
 آنبار ”ء“ اے جتا او توار اس خیال کنگک۔ ہندن عربی نا توار اے ہم چناتا ہیل کن نوشتہ کنگک  
 ہندن پانزدہ ہائیہ توار آتے ہم اور کنگک۔

براہوئی املانا آجبت براہوئی املانا درو ہراوڑے یاپگہ امر مرو؟ دارد اٹ ہبلٹ نا پانگ استا  
 بریک کہ ”ایلو گڑا تیان بار زبان نابنا او گڈ سرے سرپند منگک باز کبین اے ہندادے کہ زبان اسے نا  
 نیامیکو دروشم او منزل آتا پٹ پول او خوانگ آن کاریم ہلنگ اک“<sup>(۱۰)</sup> براہوئی زبان نادا بے کد ری او  
 بے شونی آن دادر شان مریک کہ براہوئی ہم ”اسکیمو“ زبان تیان بارے۔ اسکیمو زبان پارو کا بندغ آتا  
 دے ونن روزگار او کنگک نا گڑا تادوئی ٹی تیر مریک او فتا ڈیہ ٹی کشت کشار باز کبین اے اوفتے دا خس  
 وخت دو بلف کہ او فک ادب، شاعری، زبان یا بود میر شتی گڑا تیا غور کیر۔ مسخت دا کہ براہوئی پارو کا  
 ہم سخت او کبین دے گدر یفسنو کہ او فقا ر جو زبان او ادب آمتنے یا اوفتے وخت ر سینگتے؟ دا اسہ جتا او سوچ

اسے۔ دابابت‘ کے ایم۔ ایپ ناپانگ داوڑے ”زبان اسے نامسکوئی گیر ناخوانگ اوپٹنگ اونا ساڑی آ دروشم ناخوانگ اوپٹنگ ٹی تنحو کے“<sup>(۱۱)</sup>

براہوئی زبان ناملا اونوشت ناوٹیل آتا ایسری او آخت کن شیکو چار (سنی ۲۰۱۳) ٹک آتا امنائی آن اسے کچ اس سوگو مریک۔

۱۔ پانگ اونوشتہ نازبان ٹی اسٹی زبان اس ہموخت آختی مریک کہ اونا پانگ نادروشم اونوشتہ کننگ نادروشم اسٹ مرے۔ انٹس کہ خلکت ہیئت کیک اوقا ہیئت آتا دروشم اگہ ہندن آن ہندن نوشتہ مس تو زبان اسے ٹی املا ناوٹیل ہشتاد نا کچ ایسر مریک۔ دنکہ براہوئی ٹی پانگ اونوشتہ نازبانک جتا او پانگ نادروشم نوشتی دروشم ماد سد بخ محمد صدیق مسخت مقصد

۲۔ اسے توار ناسہ دروشم براہوئی املا نا بے شونی نار ٹمیکو سبب دادے کہ براہوئی ناباز آلم توار آتا اسٹ آن چار اسکان دروشم ساڑی او۔ اتیکہ عربی نادروشمک براہوئی نا توار تے درشان کننگ آن الم توارک باز دروشمی او۔

براہوئی توار دروشم لوزاک

۱۱ (الف) امب

’ز برخن

’ہمزہ نس

’ہ سلہ

آ (الف مد آ) آلم

۱ (الف) شام

ای ی ایڑ، سلیس

### ی ملی

۳۔ براہوئی الم توار آتا در شانی او نوشت داوخت اسکیان براہوئی المایا نوشت ناو نیل آتا اسہ بلا سبب ہند اے کہ براہوئی ناہشت انگا الم توارک نوشت ٹی در شان مفسہ ولے پانگ ٹی بریرہ۔ (ا، ا، ای، او، او، اے) داوخت اسکان براہوئی کل الم توار آتا جتا در شانی او دروشم پانگ آں بار نوشتہ ٹی مفک ہمو وخت اسکان الما ناو نیل آک ساڑی مرد۔

### ۴۔ براہوئی ٹی نوشت اوخوان

چار میکو سبب ہر اناسیالی زبان او اونا توار تون اف بلکہ زبان ناراجی بستار تون تفو کے۔ ہمو وخت اسکان براہوئی زبان ٹی نوشت اوخوان نابنا او لیکو کڑ دانک (جماعت) آن تایو نیور سٹی اسکان مرے۔ گڑا براہوئی زبان ناتالانی ناکسک ملنگور۔ ہندن ۱۹۹۲ مرے یا ۲۰۱۴ ہراٹی بلوچستان سرکار جہی آ زبان، براہوئی، بلوچی او اوغانی ٹی پرائمری آن اسہ اسہ چاہنداری کتاب نادروشم اٹ درستی راستی کرفنگ۔ ولے ہمو وڑو کھیا دو بتو۔

### کھیا (Conclusion)

براہوئی الما ہر اہفت سد سال آن اسہ وڑناو نیل ٹی آختہ اے، براہوئی زبان اے او نا آہٹ انگا دروشم اے تنگ او براہوئی توار آتے کل کن امنا کرفنگ دن تو باز ڈکھیا او کبین او کاریم اسے، ولے اٹ مٹ پین تا لکھوڑ یا مذہب نا آسرا اٹ براہوئی الما یا لکھوڑے بے شون کنگ نابلدی ناڈس اے۔ ارٹیکو لسانی او نظریاتی تاڑواڑی او اختلاف آتیاں داکنڈار جو منگ اف۔ کاریم کروکا ادارہ غاک ناکس آ بندرغ آتا دیتیٹی او ہر افک کاریم نانیت اٹ نہ بلکہ جتا او سوچ اسے ناکو الخواہی اے کیرہ۔ براہوئی نا الما او توار آتا شیخ پانٹ نا خلکت اٹ تالان کنگ ناباز آکسرک ملوکو۔ آگہ دازبان نوشت خوان نازبان مریک، میڈیا نازبان مریک، دائی آبی او اخبار اور سالہ شینک مریک، ہندن اسکول آتیمی سائنس ناکل کتاب آک براہوئی ٹی بدل مریرہ تو دروشینک ناخواست آک مونا بریرہ۔ مسخت کہ داردنا کاریمک اسہ ایلو تون



پاکستانی زبان و ادب ۲۰۱۷ء

گنڈوکو۔ ہندن براہوئی لینگویج بورڈ نامنتواری کی براہوئی ناتوار آتے پک کرفے ہرانا رداٹ داوخت  
اسکان براہوئی ناکل توارک سی اوپنچ اوہراقتیٹی بیست اوہفت سرجم اوہشت الم توارناپن اٹ چاہنگرہ۔

### شوندات

۱. گیان چند، ”عام لسانیات“، نئی دہلی، قومی کونسل برائے فروغ اردو زبان، ۲۰۰۳ء، ص ۶۴۱
۲. سنی، لیاقت، براہوئی املا اور رسم الخط“ تحقیقی مقالہ (غیر مطبوعہ)، دوسرا براہوئی عالمی کانفرنس، اسلام آباد، علامہ اقبال اوپن یونیورسٹی، ۲۰۱۴
۳. اشیر، عبدالقادر ”براہوئی خود سیکھیے“، کوئٹہ، تھرڈ ورلڈ پبلی کیشنز، ۱۹۹۴ء، ص ۱۳-۱۵
۴. صابر، رزاق، ”براہوئی لکھوڑ“، کوئٹہ، براہوئی ادبی سوسائٹی، ۱۹۹۸ء، ص ۳۰-۳۱
۵. پروانہ، نور محمد ”براہوئی قاعدہ“، کوئٹہ، براہوئی ادبی بورڈ، ۱۹۶۱ء، ص ۷
۶. ایضاً، ص ۶
۷. صابر، رزاق، ”براہوئی لکھوڑ“، کوئٹہ، براہوئی ادبی سوسائٹی، ۱۹۹۸ء، ص ۱۳
۸. ایضاً، ص ۱۳
۹. براہوئی قاعدہ، اولیو کتاب کچی کن“، کوئٹہ، بلوچستان ٹیکسٹ بک بورڈ، ۲۰۱۷ء، ص ۵۷
۱۰. گیان چند، ”عام لسانیات“، نئی دہلی، قومی کونسل برائے فروغ اردو زبان، ۲۰۰۳ء، ص ۸۸۲
۱۱. ایضاً، ص ۸۸۴